


孚化縣志略





咸豐七年修

孚化縣志略



序

烏什在京師西南去京一萬五百里有奇  
自乾隆二十四年隸入版圖至今百有餘  
年矣政治日繁歷經

欽憲條奏章程皆為因時制宜之要事事雖  
有丹案可稽然每遇仿照成案之事往往  
因檔丹過多一時未能檢出殊非慎重公

欽憲

保達

面諭章京等將烏什公事分編門

類彙集成書凡遇檢查成案開卷瞭如指  
掌於應奏應辦之事立見準繩實有裨益  
至於風俗人情亦宜週知留備攷查於以  
見

欽憲慎重公務之苦心上報

**國**家專寄之恩下為寮屬遵循之意書成後  
欽憲重釐定不顧文理粗俗於政事毫無遺



漏隨分寫數類以供翻閱實為任斯境者  
一助云爾

咸豐七年小陽月書



目錄

官制

城垣

界址

輿圖

印房衙門所管

清印房

漢印房

回夷處

卡倫處

貢獻

經牧處

陞轉

糧餉局所管

銀錢

糧石





綢緞

茶葉

藥材

鹽菜

軍臺 附道路

營務處所管

兵數

城汛

城守營衙門所管

臺市

軍械

硝藥

雜錄

回俗

上產

古跡



官制

烏什向設參贊大臣一協辦大臣一於乾隆五十二年移居喀什噶爾本城改設辦事大臣一又於道光七年添設幫辦大臣一按道光七年設定大臣文武官員缺額辦事大臣一幫辦大臣一品級無定印房章京一糧餉章京一俱主事職銜部缺筆帖式二委筆帖式四軍臺委筆帖式二俱照

五

新疆例六品頂戴

營務副將一城守營部司一分防守備一千總四把總四經制外委十額外外委三歸兵數

四品阿奇木伯克一五品伊什罕伯克一六品噶雜納奇伯克一六品海孜伯克一七品已吉格爾伯克一七品都官伯克一七品密拉普伯克二七品明伯克四額設



空金頂六



六



城垣

烏什去京師一萬五百餘里乾隆二十四年隸入版圖乾隆二十年逆回賴黑木圖拉作亂定後重建城垣一座高一丈七尺頂寬七尺底寬一大週圖月城長四百六十八丈安設四門城樓四座角樓四座城內方圓共二里六分東北南三西臨大道西面依

韋陀山

七

賜名永甯城道光八年經

欽差大臣那 請改

賜名孚化城道光九年經

欽差楊參贊畧加修造嗣於道光十四年經

欽差總辦辦大人壁請帑修理加高一丈八尺

幫寬一大七尺底寬一大八尺外添築護

城堤一道梁口高八尺



大人衙門在城內大街西路北大堂前分作  
東西兩院東院為

總辦內宅西院為

幫辦內宅兩宅後院牆外即醉柳園北臨城牆  
印房章京衙門在城內東大街路北  
部欽筆帖式衙門在印房章京衙門左右糧餉  
章京衙門在城內東南隅倉庫在署內清  
漢印房辦事處在

八

欽差大人衙門大門內西偏院副將衙門在城  
門內東大街路兩城守營都司衙門在南  
門內大街路東千總把總等俱帶兵各按  
本營城內建房住居南門內路西堆房後  
接建監獄一所城內向設錢局在城內西  
南隅嘉慶四年裁撤房屋皆無現改官柴  
廠城內西首韋陀山下建

萬壽宮逢



萬壽元旦

大人率領文武官員行禮山上建

關聖帝君殿 火神殿 馬王殿 城隍殿

菩薩殿山頂建 韋陀殿朔望日

大人率領文武官員行禮每年春秋二季及五

月十三日致祭

關聖帝君殿殿後建

社稷壇每春

大人率領文武官員致祭



界址

東由城至阿察他克軍臺八十里由臺至  
提吐薩拉提十里共九十里即阿克蘇界由絨  
至阿克蘇城言四東西至巴什雅哈瑪卡倫九十  
里卡倫外昆連喀什噶爾界皆係山路小  
徑難計里數南至柳樹泉山根十里山外  
亘綿二百三十里過屯珠素達坂即柯爾  
坪迤南係葉爾羌界迤東係阿克蘇界北至貢

十

古魯克十倫六十里中有大河二道卡倫  
外昆連伊犁界此路封禁不討里數東至  
西共一百八十里南至北共三百里除南  
山亘綿二百三十里不計外實有地十里  
計南北尺有地七十至烏什境內通共計  
二百三十里東關路北建

闕聖帝君廟

係乾隆年間烏什商民創修

殿後建

玉皇菩薩

閣殿前兩廡建



火神馬王山神土地財神龍王風神城隍魁星

等殿朔望日

大人率領文武官員行禮





輿圖



印房衙門所管

清印房

印房章京總理一切事務部缺筆帖式校閱清文奏摺稿件委筆帖式四員帶領貼寫卞六名耑辦繕寫清文奏摺往來文移稿件分設摺房來文行文處

附貼寫數目

烏魯木齊馬甲八名已里坤馬甲四名古

十三

城馬甲四名內有差使奮勉繕寫俱優者本城

大人給與金頂酌定四名作為額外委筆帖式印房存案不報部

漢印房

印房章京總理一切事務部缺筆帖式校閱漢奏摺稿件額書七名帶領調班書識營書等耑辦繕寫漢奏摺往來文移稿件



附額書等數目

分設吏戶禮兵刑工並承發共七科每科  
額書一名調班書識七名營書由營挑充  
無定額各科辦事從九品未入流保由五  
年役滿額書咨部簽掣無定額



回夷處

印房章京總管回夷事務所有回夷戶婚  
田土及一切人命盜案俱為審理並撫綏  
卡倫內布魯特安集延諸外夷該回夷出  
境入山探親貿易等事由阿奇木呈報請  
發給路照山外回夷八城貿易等事盤查  
放入

附阿奇木所管等事

十五

四品阿奇木伯克管境內回夷五品伊什  
罕伯克協同管理六品噶雅納齊伯克管  
收糧燉硝六品海孜伯克管詞松七品明  
伯克管回戶七品巴吉格爾伯克管回夷  
貿易七品密喇普伯克管水渠七品都管  
伯克管回子雜差額設金頂回子充當各  
軍臺溫已什各衙門通事差使  
附回夷戶口數目

之節補抄  
別錄



烏什回子共二十九百五十八戶  
布魯特戶口向不清查  
由卡倫千把總按月呈報戶口數日本處存記  
支領鹽菜口糧毛拉通事回子三名



卡倫

烏什通外表山口安設卡倫六處原係由京派來侍衛坐卡帶領駐防旗兵三年班滿更換道光八年裁撤侍衛旗兵改設本城千把外委帶領綠營兵下哨探仍循舊制戴用五品頂翎應管回夷出山進山隨時報城按月稽查附卡倫居住布魯特人口數目並查外夷潛往卡倫內居住統於月

十七

底呈報所有封禁山路嚴禁偷越每冬河水消落輪送轉牌巡查外夷如有緊要事件飛報來城至卡倫一切事務由印房章京管理演兵丁由營務副將管理

附六卡名目官員

巴什雅哈瑪卡倫

北至畢底爾十里

設把總一兵丁五十名回子五名差馬二匹畢底爾卡倫

東至沙望四十里

設行營外委一兵丁



十五名回子二名

沙土卡倫東至雅滿素四十里設千總一兵丁七十

五名回子六名差馬三匹

雅滿素卡倫東至貢古魯克四十里設行營外委一兵

丁九名回子二名

貢古魯克卡倫東至畢底里克十里設經制外委一兵

丁二十名回子二名差馬二匹

畢底里克卡倫南至城三十里設經制外委一

十八

兵丁四十名回子四名差馬二匹

以上各卡當差回子每名每月支領口糧麩

三十觔備差馬匹每年支料七石五斗六

升倒斃分數詳見經收門



貢獻

烏什境內布魯特皆附六卡倫而居傾心

恭順未入版圖該頭目世襲自四品頂翎

至七品共八人

每襲職時請旨或降襲或原襲無一定

每年各進

獻馬一匹

各伯勒克馬

由大臣專摺奏請賞收有

例賞彭緞半疋茶葉一封羊一隻白麪五

十觔外帶有與

十九

大臣遞馬大臣酌量自行賞賞馬向不收

經收

烏什向設戰馬二百匹由咸豐五年奏裁

馬廠將地開墾分撥葉爾羌馬一百二十

匹分撥阿克蘇馬五十匹倒斃馬五匹下

剩馬二十五匹以補軍台等處倒斃之用

補完時此項馬匹開除有任滿大臣章京

筆帖式差滿繳還原領馬匹按買市上馬



價存印房此交馬價未奏明亦不報部仍按馬數報部每

年布魯特進馬隨收隨賣此價存印房以備本處升補章京筆帖式應領差馬之需此兩項馬匹因無喂養故作價營汎卡倫共設備差馬二十匹每年准倒斃五匹三軍臺共設備差馬四十九匹每年准倒斃十三匹牛八隻例無倒斃硝局牛十七隻每年准倒斃牛二隻驢三頭例無倒斃每

二十

年由伊犁承領致祭牛三隻硝局補倒斃牛二隻共五隻營汎卡倫軍臺每年例應倒斃馬十八匹應由大臣官員繳還馬匹以及裁廠餘剩馬匹內撥補將來補完時再由伊犁按年分領營汎卡倫軍臺硝局馬匹牛隻由糧餉局發給料石經牧處歸印房管理



陞轉

印房章京糧餉章京由京員補放者三年  
期滿無過由大臣循例保奏以主事即選  
由駐防升補者七年期滿無過由大臣循  
例保奏以生事分部學習三年期滿補缺  
有無力進京當差者准以原駐防防禦補  
用部缺筆帖式年滿才具出眾者由大臣  
准以章京保陞有別項勞績者亦准以章

三一

京保陞如不保陞期滿後例應進京當差  
如無刀進京者以原駐防驍騎校補用委  
筆帖式遇有部缺筆帖式缺出由大臣考  
補五年期滿如有才真出眾者出具頭等考  
語以原駐防驍騎校酌量補用如尋常供  
職者出具二等考語摘去頂戴退回原駐  
防當差軍台委筆帖式三年期滿摘去頂  
戴退回原營當差覆留九年者咨部准留



頂戴以原駐防應陞之缺陞用貼寫馬甲  
十六名三年期滿更換如差使勤奮繙寫  
清通者准以留城當差遇有委筆帖式缺  
出由大臣考補額書七名例由調班書識  
營書內拔補五年期滿咨部以從九品未  
入流掣定執照訖留四年先後共九年歸  
部選用

營務副將至外委皆係陝甘兩省派來防

三

所當差五年期滿更換遇軍政之年由大  
臣或保舉卓異或參草把總以下例不准  
保荐在防千總以下缺出由大臣拔補  
四品伯克缺出向由葉爾羌參贊大臣調  
取八城應陞伯克內揀員奏補至六七品  
伯克及額設空金頂缺出係由本城大臣  
擬定正陪備文葉爾羌參贊大臣補放



歸去來兮聯云

園日涉以成趣  
門雖設而常關

每於春際園內杏花盛開一帶

清流浮萍疊翠兩岸野草閑花真令人心

忘在塞外矣

韋陀山亘綿二里餘高數十丈

回語曰胡  
什他克山

山半

有土房二座一名梳妝樓一名看河樓皆

回子所造年久屋宇皆不完整旁有房數

間作為軍械庫山路崎嶇有巨石二塊一

二石

刻繼超追憲四字一刻遠邁漢唐四字無

年月亦不知何人書刻滿山碎石如卵遍

身是紋如羽毛名曰石燕傳云天將雨即

飛舞自乾隆三十年平定亂時被鎗砲所

震不能飛舞矣

闕聖帝君殿有乾隆

御筆銅字匾聯匾書靈鎮巖疆對聯書

軼倫名炳千秋日  
靖遠威行萬里風

嶺韋陀殿塑繪乾隆三十年逆回變亂



韋陀顯靈官兵轟擊自相殘殺故事至今回  
子猶尚畏其威也

南門外南山曲折深處地開數十畝名曰  
山灣此間所居回子不納糧不當差於乾  
隆三十年烏什回子皆叛獨此處不隨逆  
平定後嘉其功以警後世地雖小植桑榆  
挑杏花木成林渠水繞山屋宇儼然良由  
美地稱為勝境每勤耕種不喜爭門如有

二十五

不平有本地阿渾清理不鳴於官

南門外山後有回子諷經之所名柳樹泉  
地有三畝四圍以柳樹為墻地湧清泉隨  
流成渠地中間建屋三間即諷經之處靈  
應異常雖中國人亦崇信也此間處處皆  
柳數圍者極多相傳乃一株由地盤折而  
生具間水池頗多清澈見底凡遊人許飲  
而不許以濁物相投投之立見災異



北門外迤西韋陀山半有一石洞洞中有  
有石類虎本境人言當年徃徃夜深有虎  
至河邊飲水亦因乾隆三十年定亂時被  
鎗砲所震不能行走矣至今觀石虎婉若  
似真獸

西門外小孤山上有一土墩八角高三丈  
餘相傳漢班定遠所築無考然查其形勢  
實非近年之物也

二十六

南門外西南數十里有山高挿雲漢亂峯  
聳天名曰唐王寨據回人言之唐李曾征  
西時到此在此山立寨相傳山內珠寶金  
銀藏於山頂有好財者登此山行至山半  
為風雨頻阻不敢強登矣



銀錢

每年由甘肅司庫撥解大臣養廉文武官員兵丁鹽菜羊價銀二萬一千八百一十九兩四錢名曰經費向係隔年光期奏調如遇閏月之年接見憲書時隨時片奏估調銀一千七百八十餘兩每年由阿克蘇錢局分領搭放鹽菜二成錢一千二百四十五串二百八十一文如遇閏月之年加領錢一百串文商民開設舖面房一百七十四間每間每月收租錢二十二文又住房五百九十六間每間每月收租錢一十一文計一歲共收租錢一百二十四串六百零八文商民耕種南北門外菜園地九百八十九畝半每畝每歲收租錢四十四文計一歲共收地租錢四十三串五百三十八文二共收房租地基錢一百六十八串



一百四十六文

此錢專備壇廟供獻採辦運送硝劬火藥包裏口袋養食硝局鍋盆鉄木器軍臺補修

車輛等用每年除用剩錢一百二十餘串十月報部歸入正款咸豐四年以前按年存庫無項需用連歷年變賣綢緞價錢共積有萬串之多自五年起將歷年所存之錢悉數抵充銀款需用以後所收之錢按年皆搭一放三三成錢文及運送茶封經費脚價之用

每年收裁屯安設回戶耕種案內折徵糧

價普爾錢四百串文按四百文抵銀一兩

共抵經費銀一千兩需用

此款自道光二十六年起每年在應調經費銀兩內少調銀一千兩每年十月攤放



糧石 附戶口

舊額回子一十四百二十五戶每歲交小  
麥四千一百五十二石寶興二工回子六  
十名每歲交小麥九百石酢油葫麻一十  
二石二升八合屯田兵道光二十四年裁  
撤歸汎安設回子一千三百戶每年交小  
麥三十一百零七石六斗八升酢油葫麻  
四十二石三斗二升又應交糧二十石每

三

石折交錢二百文共折交錢四百串文

此錢抵用原委  
詳見銀錢欵以上每年共交小麥八千一百

五十九石六斗八升自咸豐五年起經參贊大臣常奏  
令徵收本色一半折色一半計應折半

小麥四千零七十九石八斗四每石折收普爾錢二百文共折收普爾錢八百一十五串  
九百零八文按年抵充經費銀八百一十五兩九錢六分八厘報部在於經費欵內成撥  
此項折已係因時  
變通並非定例每年共收酢油葫麻五十四石三

斗五升八合向由回戶折交油價錢一十串一百七十二文以  
備庫房水磨照燈膏磨膏車等用駱駝

巴什汎城迤北柴刷一帶新墾地畝分撥  
回子三十七戶自咸豐七戶起每年交小



麥一百四十六石一斗五升馬廠新墾地  
畝分撥回子一百九十六戶自咸豐八年  
起每年交小麥七百七十四石二斗



綢緞

每年由蘇杭江甯山西等處解到各色綢緞四百九十五疋大臣文武官員伯克等一體准其認買按甘省攤定原本襍費銀兩每兩照奏定章程合錢二百文變賣每年十月將變賣錢文報部歸入正款歷年所存錢文動用原委詳見銀錢款此項綢緞自咸豐四年起因南省軍務經費短絀

五

奉文停止惟呈進

貢馬之布魯特每名向賞彭緞半疋今奏文准其在於伊犁庫存彭緞內調用



茶封

每年陝督由皮展撥解茶葉一千三百封  
作為兩年需用每年按四季散放官兵每  
季合八人散茶一封每封攤扣價銀九錢  
四分六厘五毫扣獲銀兩歸入正項以備  
大臣官員回京赴任車價及年滿吏書驛  
價五品以上伯克陞遷携眷賞銀等用清  
漢印房糧餉局三處每處每季給茶二封  
六  
不加價銀布魯特呈進  
貢馬每名例賞茶一封

藥材

道光十五年以前在於甘肅省咨調各味  
丸散藥材以備官兵取用按照原定價銀  
作扣扣獲銀每年十月報部歸入正款數  
目一兩至數十兩不等



鹽菜口糧

總辦大臣舊例養廉銀七百兩幫辦大臣  
養廉銀六百兩道光八年各加增養廉銀  
二百兩咸豐三年奉文大臣養廉停止二  
成咸豐五年奉文改停一成計總辦大臣  
例支養廉銀八百一十兩口糧麩四千六  
百八十觔幫辦大臣養廉銀七百二十兩  
口糧麩四千六百八十觔印房糧餉章京

七

月支鹽菜銀十五兩加增銀十兩口糧麩  
二百一十觔部缺筆帖式月支鹽菜銀八  
兩加增銀六兩口糧麩九十觔委筆帖式  
月支鹽菜銀三兩加增銀二兩口糧麩九  
十觔貼寫滿兵月支鹽菜銀一兩七錢五  
分口糧麩四十五觔從九未八月支鹽菜  
銀三兩口糧麩九十觔額書月支工食銀  
四兩八錢口糧麩三十觔通事毛拉月支



鹽菜銀九錢口糧麩三十觔副將月支鹽  
菜銀十兩五錢口糧麩二百四十觔都守  
月支鹽菜銀四兩四錢口糧麩一百五十  
觔千總月支鹽菜銀二兩七錢口糧麩九  
十觔把總月支鹽菜銀二兩二錢口糧麩  
九十觔經制外委月支鹽菜銀一兩四錢  
口糧麩六十觔額外委馬兵月支鹽菜銀  
一兩四錢五分口糧麩三十七觔八兩步  
守兵月支鹽菜銀一兩四錢五分口糧麩  
三十六觔滿洲官員兵丁春夏冬三季每  
季每人支口食羊二隻每隻折支價銀五錢  
口糧麩三十觔綠營官員兵丁漢印房糧  
餉局書辦春冬二季每人支口食羊一隻  
每支折支價銀五錢抵口糧麩十五觔

查烏什咸豐四年以前原定章程大臣官員養廉藥儘以銀兩  
支給其新增舊額兵丁無論馬步守兵均按加增月支鹽菜津貼  
銀兩四錢五分按二搭放每銀一兩搭銀八錢搭錢四十四文抵銀二錢官  
兵口食羊價銀均係全支銀兩其公費油燭柴炭每銀一兩給



銀八錢搭錢十文抵銀二錢歷經遵循在案今本處遵照

前任葉爾羌參贊大臣德節次

奏明撥放章程將駐劄大臣養廉搭支三成錢文六成小麥一成實  
銀每銀兩給銀錢搭錢六文抵銀三錢搭小麥一石每石抵  
銀五錢共抵銀六錢印房糧餉章京印務筆帖式鹽菜搭支一成  
實銀二成錢文六成小麥每銀兩給銀二錢搭錢四文抵銀二錢搭  
小麥一石每石抵銀五錢共抵銀六錢綠營官員委筆帖式從九  
品不入流鹽菜章京俸銀均照兵丁鹽菜舊章按二八  
搭放至滿漢官兵口食羊價銀亦按二搭放均係每銀兩搭銀八  
錢搭錢四十四文抵銀二錢



軍臺 附道里

東門外臺市街道一里許至底臺安設委

筆帖式一行營外委一字識一差兵三金

頂溫巴什一回子十戶 每戶每月支領鹽菜銀九錢 照例折支糧九斗

官馬十九匹 春冬三季每匹每月支料六斗 例幾數目詳見經牧門 錢瓦車二

輛 五年修補一次 額外又由本城派撥幫差回子

三十戶 無鹽菜 連正額回子共四十戶每戶

隨差馬二匹共馬八十匹 無口分 回子馬匹

十

每年正月更換一次由底臺東去八十里

至阿察他克俗呼洋海臺倚山傍水回庄

環居西南山路通柯爾坪東南通齊蘭臺

設委筆帖式一行營外委一字識一差兵

三金頂溫巴什一回子十戶 每戶每月支領鹽菜銀九錢 照例折支糧九斗

官馬十五匹 春冬三季每匹每月支料六斗 例幾數目詳見經牧門 牛四隻 例無倒斃亦無口分 錢

瓦車二輛 五年修補一次 額外又由本城撥派幫

差回子三十戶 無鹽菜 連正額回子共四十



戶隨差馬二匹共馬八十匹無口分回子馬  
匹每年正月更換一次由阿察他克臺東  
去十里至提吐薩拉提即阿克蘇界再行  
二十里至托什罕河俗名洋海河每年夏  
令河水泛漲由烏什行文阿克蘇撥派匠  
役修造船二隻由烏什城守營派水手兵  
二名由阿克蘇派水手回子八名每名每月馬料  
糈食錢分文  
水落兵回均撤過河行五十里至察哈喇

十一

克臺回名斯牙克臺設行營外委一字識

一差兵三金頂溫巴什一回子十戶均由阿克  
蘇派

每戶每月在烏什支領鹽菜銀九錢照例

折糧九斗官馬十五匹春冬二季每匹每月支料六斗  
例斃數目詳見經牧門

牛四隻例無倒斃  
亦無分錢瓦車二輛五年修補一次額外又

由阿克蘇派撥幫差回子三十戶無鹽菜  
運

正額回子共四十戶內三十戶每戶隨差  
馬一匹共馬三十四匹十戶每戶隨差牛二



隻共牛二十隻供無分回子馬匹牛隻每年  
春秋更換二次由察哈喇克東行八十里  
至阿克蘇底臺中有大河一道名曰胡瑪  
拉克河夏令河水泛漲由阿克蘇撥派船  
隻水手渡送往來

以上三章臺遞送文報一年無過咨部將官臺章京給予紀銀三元  
委筆監外委如有應升之缺列名拔補兵丁賞給一月鹽菜均  
按百二十文一兩折支錢文



營務處衙門所管

兵數

烏什換防馬步守兵由陝甘兩省派撥來  
防守禦供差五年分班更換除節次減撤  
不計外現剩兵一千三百七十一名分撥  
各營汎卡倫軍臺等處供差遇有缺出由  
大臣飭營募丁拔補

大城 西至駱駝巴什汎三十五里

副將一都司一千總二把總二經制外委  
六馬步守兵八百四十五名備差馬四匹  
駱駝巴什汎 西至小烏什二十五里設守備一把總一經制  
外委一馬步守兵二百名備差馬二匹  
小烏什汎 西至寶興汎二十里設把總一馬步守兵五十  
名備差馬二匹  
寶興汎 西至巴什雅喀瑪卡倫十里設千總一馬步守兵五十  
名備差馬二匹



以歲沉馬每區每年支料七石五年六并創斃分數詳見經牧門

分撥軍臺兵十五名卡倫兵二百一十二名

細數詳見卡倫軍臺門

城守營所管

臺市

烏什向設臺市專管民戶詞訟稽查閒人  
捉拿賊盜逃犯定肉麩糧石價值係都司  
總管每年派千把總二員一年期滿更換

十四

遇有重大案件呈報

大人飭交印房辦理四城門值班官兵由都  
司稽查



軍械

烏什庫藏軍械火神砲二位威遠砲七位  
駱駝砲四位抬砲三十位大小烏鎗一千  
三百三十八杆腰刀弓箭鎗矛以及鍋帳  
旗幟等物共一萬一千六百九十三件每  
年按此數報部

硝藥

烏什硝局每年派回子二百二十名給官

十五

牛十七隻

有口分創斃分  
數詳見經牧門

責成大品噶襟納齊伯

克督催燉硝每歲交硝一萬二千一百九  
十六觔八兩六錢四分九厘內運送

伊犁硝六千五百九十九觔九兩六錢七  
分運送吐魯番硝七百三十四觔六兩四  
錢該處裁屯兵奉文減硝四百九十觔八  
兩八錢奉部覆准其本處汛兵動用配造  
操演除運送外實剩硝四千八百六十三



筋十一兩二錢七分九厘 按年配造火藥之用  
一每年配造火藥六千零七十八筋六兩  
九分九厘內運送阿克蘇火藥一千一百  
三十九筋六兩九錢二分運送喀喇沙爾  
火藥九百四十筋該處裁撤屯兵奉文停運  
火藥四百四十筋奉部覆准其本處汛兵動用操演  
除運送外剩火藥雷千筋零一錢六厘作為本處操演兵  
丁及放更明砲位之用按年咨部核銷

十六

一烏什舊存火藥二萬九千三百零一筋  
十三兩八錢道光十二年由阿克蘇撥來  
火藥一萬五千筋二共火藥四萬四千三  
百一筋十三兩八錢俱在山庫收存未遠封固  
一烏什每年應需配造火藥硫磺係在於  
阿克蘇咨請撥運配造火藥硫磺六百一  
十六筋一兩一錢六分六釐內三汛配造  
火藥硫磺六十筋零八兩五分六釐本城



配造火藥需硫磺五百五十五觔十四兩  
一錢一分

一烏什每年由阿克蘇請撥操演鉛二百  
八十觔零十二兩五錢內三汛操演烏鎗  
抬砲鉛一百五十三觔十兩八錢本城操  
演烏鎗鉛一百二十七觔一兩七錢



土產

烏什不產珍寶例不入

貢惟將其土產適用者畧陳大概老羊皮玫瑰花花紋石梁穀米山藥菸葉子牛膝催生草礎草再山內所出野豕野羊野鷄狐

兔等類

回子內有養鷹者每逢  
焚出籠放槍野牲為獵

回俗

烏什無回城回婦向不准入城皆係各城

十八

無業回子遷移散布而居其屋宇用土塊壘成不用磚石回子性喜土居故不用磚石也屋內向不設卓橙四圍皆砌土炕房頂多開天窗名曰通幽克北牆下砌土洞通牆外燒柴其中名曰烏查克四圍牆上多砌土洞大小不一置物其中名曰烏幽克鋪設毡氊屋外無牆種楊柳為籬喜種桑沙棗等樹桃杏每至春月桃杏盛開亦算



一佳景矣回子男女服色男多以灰布土

黃布為衣女喜以花布為衣

花布以棉線織成  
曰麥舒爾曰查羽

回子男女夏戴白布藍布綢小帽男子農

作時戴白毡帽曰凉帽春秋冬男女戴羊

皮木獺狐耳等帽曰暖帽男不蓄髮女用

絲線合髮結成大辮垂地亦有不戴帽用

花布白布漫頭男足穿羊皮靴女穿紅羊

皮靴夏令男女多是赤脚最喜飲茶得飲

十九

上國茶葉如獲珍寶食俱以白麪和鹽烙

熟回語曰饌以水浸而食之如遇婚喪年節以牛

羊肉整塊合米置鍋中焙爛盛木盤內男

女大小團聚而食之

飯熟時各要洗手然後用手抓而食之回語曰飯皆回子之上饌

回子素性醇良性操農業不喜爭鬪間或

有詞訟非人命重案皆阿渾

阿渾此眾字素敬服之也查經

典處治回子惟以種麥為生別無生業故

多窮戶



古跡

烏什地界偏小古跡雖稀僅有數處開載以備攷查

欽憲大人署後有園一座東西三畝餘南北畝餘東建通街角門以便看園人等出入馬門內又樹垂戶門一座前憲壁 星泉大人題額名醉柳園因園內多柳間有數園又多歌卧故名曰醉柳後楣上題甲子之

二十

秋來鎮孚化見署後清泉一縷大樹千章杖扞於荒芦敗葉之間而凄寒陰森動人心目適值城工之役與以為辦公之所於是刈除草菜通引水道稍增以亭榭橋舟畧加點綴居然成趣後之來者長畫公餘可作較射之處欲題其額必得佳名即以園中叢柳蔭翳暢茂沃飲甘泉其枝垂幹俯仰卧蜿蜒若醉狀因題曰醉柳園云爾



其園內廟宇亭臺橋船屋宇皆星泉大人  
重修點綴後經歷憲護持各有留題園內  
有清溪一道其泉由韋陀山下而出岸南  
建屋三椽如船形皆呼為船房公餘後為較  
射之所星泉大人於東廊楣上題額云無  
所爭後維荷堂大人題聯云

繞來却有山林趣  
與至還思釣射心

麟楸谷大人於門上楣有醉

柳園咏題二則

三

園中醉柳幾何年

小有亭臺亦灑然

一道清泉寒漱石

百圍高樹綠參天

地臨化日龍亭畔

牆外有黃亭即  
拜牌行禮處

窻列晴嵐雉堞前

遙憶春歸無限好

數枝青到酒旗邊



醉柳叢中雜杏花

短牆近接梵王家

西偏印韋陀山下有泉出上有廟宇

風來北牖懸高榻

人倚西峯愛晚霞

未許酣眠歌畫舫

柳下有船

尚留佳蔭拂龍沙

山衙寄此堪遊憇

相對依依莫更嗟

三

船房北門上題額曰紅杏在林兩楹聯云

且少憇從萬里程眾莫久留看一時花去西廊楣上敦柳橋大人題額

曰挹爽延暉屋內常子澄大人題聯云

楊柳春風悠悠自得兼葭秋水渺渺予懷楹谷大人題額云受風籟後

跋云用元微之柳偏東面受風多句以顏

其額題聯云於此間得少佳趣亦足以暢叙幽情裡屋岳崧亭大人

題額云柔絲碎錦後跋云孚化節署後園

柳条颺綠杏蕊吹紅公務餘閒足娛烟景以



糧餉局所管

糧餉章京總理一切事務從九品未入流  
額書帶領調班書識營書等崇辦倉庫收  
放錢糧行文稿案事件

附額書貼寫各項人役等數目

額書三名從九品未入流係由五年役滿  
額書咨部簽掣無定額調班書識三名營  
書無定額供役斗級兵六名磨夫兵二十

三

三名更夫兵十名倉廩二十座分天地充  
黃宇宙洪昌日月盈餘辰宿列張秋收冬  
藏等字啟名銀錢庫一座收存銀錢茶封  
綢緞藥材等項倉內建旱磨房一座設磨  
二盤北城外設水磨三座安磨六盤設水  
碾一座安碾一盤

